

თვითმმართველი თემი თელავის მუნიციპალიტეტის საკრებულოს სივრცით  
ტერიტორიული დაგეგმარების ინფრასტრუქტურის და ბუნებრივი  
რესურსების კომისიის სხდომის

ოქმი N 1

ქ. თელავი

2016 წლის 28 იანვარი

თავმჯდომარეობდა კომისიის თავმჯდომარე: ნუგზარ ცაძიკიძე.

სხდომას ესწრებოდნენ კომისიის წევრები: ნანა ხვისტანი, ნიკოლოზ  
მაისურაძე, რომან ბოტკოველი,  
გელა სეხნიაშვილი.

სხდომას ასევე ესწრებოდნენ: საკრებულოს იურისტი ლევან საჩიშვილი,  
ფრაქცია „ქართული ოცნების“  
თავმჯდომარე ნოდარ ჯანდიერი,  
საფინანსო-საბიუჯეტო კომისიის  
თავმჯდომარე ზურაბ ლილუაშვილი,  
სოციალური კულტურის, განათლების და  
ახალგაზრდობის საქმეთა კომისიის  
თავმჯდომარე გიგა მამუკელაშვილი,  
თვითმმართველი თემი თელავის  
მუნიციპალიტეტის გამგეობის  
არქიტექტურისა და მშენებლობის  
სამსახურის უფროსი დავით ბაჩიაშვილი.

## დღის წესრიგი:

1. თვითმმართველი თემი თელავის მუნიციპალიტეტში 2015 წელს განხორციელებული ინფრასტრუქტურული პროექტების შესრულების შეფასება და სამუშაოს შესრულების ანალიზი

მომხს: ნ. ცაძიკიძე

- მოისმინეს: 1. თვითმმართველი თემი თელავის მუნიციპალიტეტში 2015 წელს განხორციელებული ინფრასტრუქტურული პროექტების შესრულების შეფასება და სამუშაოს შესრულების ანალიზი

მომხს: ნ. ცაძიკიძე

მომხსენებელმა დღის წესრიგთან ერთად კომისიის წევრებს წერილობით წარუდგინა ყველა ის პროექტი, რომელიც განხორციელდა 2015 წელს თვითმმართველი თემი თელავის მუნიციპალიტეტში სხვადასხვა პროგრამებიდან და აღნიშნა, რომ ჯამში დახარჯულია 5615296 ლარი. მათ შორისაა სოფლის მხარდაჭერის პროგრამა, ადგილობრივი ბიუჯეტიდან დაფინანსებული პროექტები და საქართველოს რეგიონებში განსახორციელებელი ფონდიდან დაფინანსებული პროექტები. ეს ბუნებრივია დადებითად აისახება ინფრასტრუქტურის განვითარებაზე. წლობით მიუხედავი კულტურის სახლების მნიშვნელოვანი ნაწილი რეაბილიტირებული იქნა და დღეს ამ კულტურის სახლებში უკვე ფუნქციონირებს სხვადასხვა წრეები. ბაგაბალების უმრავლესობაში კაპიტალურად შეკეთდა სამზარეულოები. მოწესრიგდა როგორც ცივი ისე ცხელი წყლის სისტემები. იმ ბაგაბალები სადაც უზრუნველყოფილია ბუნებრივი აირის მიწოდება დამონტაჟდა გათბობის სისტემები. ასევე გარკვეულ სოფლებში მოეწყო ჭაბურღილები, რითაც საგრძნობლად გაუმჯობესდა წყლის მიწოდება. პრობლემატურ ადგილებში მოეწყო ჯებირები და რეაბილიტაცია ჩაუტარდა სარწყავ არხებს. ეს არის არასრული ჩამონათვალი იმ განხორციელებული პროექტებისა, რომელმაც საგრძნობლად გააუმჯობესა ინფრასტრუქტურა.

თუმცა პრობლემად რჩება შესრულებული სამუშაოების ხარისხი, რაზეც მაჟორიტარი დეპუტატების გარკვეულმა ნაწილმა არაერთხელ აღნიშნა. აქედან გამომდინარე ვფიქრობ საჭიროა ინფრასტრუქტურის კომისიამ ამ კუთხით განახორციელოს კონტროლი. მით უმეტეს, რომ ყველა შპს, რომელიც ახორციელებდა აღნიშნულ სამუშაოებს, ტენდერის პირობებიდან გამომდინარე ვალდებულია გარკვეული დროის მანძილზე ზედამხედველობა გაუწიოს მის მიერ შესრულებულ სამუშაოს და დაზიანების შემთხვევაში მოახდინოს მისი აღდგენა.

გელა სეხნიაშვილმა აღნიშნა, რომ ასევე პრობლემაა ჭაბურღილებზე დამონტაჟებული ტუმბოების ხარისხი, რომელიც წლიურად შესაცვლელი ხდება რამოდენიმეჯერ. ნაცვლად იაფასიანი და გაურკვეველი წარმოშობის ტუმბოებისა უმჯობესია გადავიხადოთ ძვირი და შევიძინოთ ხარისხიანი ტუმბო, რაც ბოლო ჯამში საგრძნობ ფინანსურ ეკონომიას მოგვცემს.

გადაწყვიტეს: სივრცით ტერიტორიული დაგეგმარების ინფრასტრუქტურის და ბუნებრივი რესურსების კომისიამ შეადგინოს გრაფიკი თვითმმართველი თემი, თელავის მუნიციპალიტეტში განხორციელებული ინფრასტრუქტურული პროექტების შესრულების ხარისხის შესამოწმებლად და საჭიროების შემთხვევაში რეკომენდაცია გასცეს გამგებელთან მეტი კონტროლის განხორციელების გაუმჯობესების შესახებ.

კომისიის თავმჯდომარე



ნუგზარ ცაძიკიძე